

港東港西

「自大郎」拍得住美國狂人

事實上係逆
境波，但鄺
俊宇唔會怕

鄺俊宇喺芸芸候選
人之中，一個比較
特別嘅故事

設計圖片



美國狂人特朗普 網上圖片

「鄺神」很出眾，但「鄺神」不說。所謂，報名要在截止前，「現代著名愛情散文家」、民主黨鄺俊宇，一早就報名參選「超級區議會」。但接受記者訪問時講咗一段話，簡直，引起網絡，轟動，網民，邊聊，邊問候，哪來的自信？（逗笑，出奇多，係「鄺神」專利；鄺晴嘅學習，由今日，篇文開始，請各位，多多，包涵。）

「自大郎」係咁講嘅：「鄺俊宇喺芸芸候選人之中，一個比較特別嘅故事，但能夠過去透過身份，獲得一啲支持……因為事實上係逆境波，但鄺俊宇唔會怕。」網絡作家「向西村上春樹」日前都發帖「抽水」，指呢種以第三人稱來稱呼自己嘅行為，叫「illeism」，美國就有狂人特朗普，而「香港終於有政治家能夠與西方接軌，誕生了使用「illeism」的代表人物」，就係「鄺神」。向西仲話，咁樣直接講自己嘅名，正常人都打冷震，「雖然鄺俊宇只是選超級區議會，但已經甚有美國總統候選人之功效及氣概。我好奇，究竟鄺俊宇自讀了多少次才能夠到達如斯境界呢？」短短兩日，已近五千人like。

其實，「鄺神」已經，好出名，點解，但要不斷提，自己嘅名呢？到底，一個人，要幾有自信，先至可以可以咁，淡定呢？鄺晴，都要向「鄺神」，學習，學習。

數到十八日，已報名「超級議席」嘅仲有民建聯李慧琼、周浩鼎，公民黨陳琬琛、街工梁耀忠、民主黨涂謹申、民協何啟明。



▲陳弘毅



▲何啟明

選戰奇聞撞名撞樣 「世上的另一個我」

今屆立法會選舉好熱鬧，各區都多咗名單參選，功能組別也有好多新面孔。會計師陳弘毅作為新人首次出戰立法會會計界，但尋日已經報名參選，前日陳弘毅開記招自我介紹第一句話係：「我係會計界嘅陳弘毅，不是法律界嘅陳弘毅，我是在會計樓做嘢嘅Kenneth」。哈，真係咁咁得咁橋，陳弘毅唔單止同基本法委員會委員陳弘毅撞名，連英文名Kenneth也同現任會計界議員梁繼昌撞埋啊！

陳弘毅話畀鄺晴知，以前參加考團時，有人睇到名單以為「陳弘毅教授來咗，點解陳弘毅教授後生咁多？」他覺得呢個也

係一件好事，可以畀大家更快認識佢。

此陳弘毅非彼陳弘毅，今屆選舉還有兩個何啟明啊！工聯會觀塘區議員何啟明就會出選勞工界，咁咁民協出戰「超級議席」嘅深水埗區議員都係叫何啟明啊。


撞名都算，鄺晴仲睇到網上熱話，呢排因為有咗「美國獸獸」神器，選舉單張仲興「撞樣」添。其實，睇過韓國小姐候選人簡介，「撞樣」呢啲嘢，你哋真係見識少啦。

報名參選會計界的還有梁繼昌；「超級議席」參選人已報名的有：民建聯李慧琼、周浩鼎，公民黨陳琬琛、街工梁耀忠、民主黨涂謹申、民協何啟明。

籌完錢又唔選 說好了的「羅黎舒」呢？

香港眾志（「中箭」）主席羅冠聰尋日報名參選港島區直選，潛水多日嘅黎汶洛終於浮出水面，到場支持羅冠聰。咦，鄺晴覺得點解好似少咗咁人嘅嘅？「中箭」組黨陣陣，舒琪唔係話會積極考慮出選港島咩？身為「眾志」專家的網友仇思達當然唔會放過機會，尋日繼續發帖狙擊「中箭」：「『香港眾志』老千集團，當初宣稱『羅黎舒』參選兩區三席，殊不知退吓一個，退吓又一個……當初話要籌二百萬，原來係一個世紀大騙局。你籌完又唔選，按比例起碼返三分之二捐款出嚟啦。」

要為選民發聲咩？唔夠錢就唔選，咁你哋係為錢，定係為選民呢？仲有，舒琪去咗邊度啊？係咪要搵失蹤人口調查組？已報名參選港島的還有民建聯張國鈞、新民黨劉淑儀、工聯會郭偉強、民主黨許智峯、熱血公民鄺錦滿。



舒琪

黎汶洛



▲當初宣稱「羅黎舒」參選兩區三席，點知得番羅冠聰一個

阿Bill新look太型 老婆唔like

大家點睇
鄧家彪新髮型



工聯會立法會議員鄧家彪（Bill）早前轉咗個新髮型，唔單只電咗一頭髮髮，仲gel行個頭添，比起以前傳統工聯會look，三七分界，整整齊齊咁梳嘅蛋撻頭，的確更清新、更新鮮。不過，阿Bill話，鄧太太好似唔係幾鍾意佢個髮型，覺得咁樣唔夠老實。咁究竟邊個咁大整蠱，為阿Bill設計咗個鄧太太唔喜歡嘅髮型呢？阿Bill就唔肯同鄺晴講喇，只話睇下過多幾個月會唔會剪過第二個髮型嘅。

逾六成市民直接棄置廚餘

【大公報訊】實習記者李巧筠報道：環保促進會的調查顯示，六成市民缺乏處理廚餘的行為，當中最常見的處理方法是直接棄置（68%）。調查亦發現九成市民願意光顧有良好廚餘管理措施的食肆。有見及此，該會推出「惜食回收標誌計劃」，並於昨日於喜來登酒店舉行啓禮禮，邀請環境局局長黃錦星擔任主禮嘉賓。

調查又發現不足一成屋苑有推行家居廚餘回收計劃，超過九成屋苑沒有廚餘處理及回收點。

黃錦星：惜食減廢紓堆填區壓力

黃錦星表示：「直接棄置廚餘的香港市民不但成為了『大嘍鬼』，堆填區中廚餘佔都市固體廢物四成，持續下去會令堆填區飽和，甚至造成氣候變化。」他作出呼籲：「應對氣候變化以至減緩本地堆填區壓力，惜食減廢是重點之一，我呼籲大家餐餐惜食，咪做『大嘍鬼』。」

環保促進會行政總幹事何惠萍認為



▲黃錦星呼籲大家餐餐惜食，咪做大嘍鬼 大公報實習記者李巧筠攝

經委會商善用港優勢潛力

【大公報訊】經濟發展委員會今日舉行第11次會議，聽取政府配合「十三五」規劃《港澳專章》的跟進工作，並討論如何優化這些措施，以更好地利用香港的優勢和潛力，進一步發展。

經委會又聽取轄下四個工作小組的工作進展，其中航運業工作小組備悉政府正制訂稅務優惠政策的細節，以落實推動香港航空融資的建議，也備悉機場管理局的專責小組正詳細規劃成立民航學院。另一方面，小組正探討進一步推動海運業發展的可行方案，例如推出新的保險產品。

會展及旅遊業工作小組歡迎旅遊發展局和其他團體在今年舉辦盛事，認同這些盛事能豐富訪港旅客的體驗，有助香港成為國際焦點。小組也就開拓更多宣傳渠道提出建議，以增加香港的曝光和推廣香港的好客形象。製造、高新科技及文化創意產業工作小組備悉政府推出各項新資助措施，推動應用新科技、投放更多資源在研發方面、鼓勵更多年輕畢業生加入創科行列。專業服務業工作小組計劃到訪內地城市和「一帶一路」國家，推廣香港專業服務的服務模式和分享成功個案。

平機會調查顯示職場歧視增

【大公報訊】實習記者周峻峰報道：平機會的調查發現，9%受訪者在2014至2015年間曾遭受歧視或騷擾，較12年時的6%增加。當中四成人受到年齡歧視，兩成人受到性騷擾。而歧視或騷擾，大都在工作間及求職時出現。另外，最多市民認為最優先處理提倡視障人士可帶同導盲犬進入公眾場所，及鼓勵公共場所營運者支持母乳餵哺。

調查透過電話訪問1500名15歲以上的公眾人士。98%受訪者能指出平機會是促進平等機會的機構，較2012年調查95%高出三個百分點。在反歧視態度方面，以0-100的尺度量度，評分愈高愈正面，公眾人士指數為62，平機使用者為77，顯示他們都有較高反歧視的正面態度。而公眾對於平機會的整體工作表現為

6.3分（滿分10分），平機使用者為7.1分，顯示對於平機會表現評價為正面。

調查亦訪問約二百名曾使用平機會服務人士，過半數認為內地來港旅客、精神病康

復者及未婚中年女性被媒體定型或網絡欺凌的問題嚴重。

陳章明促政府檢討法例

平機會主席陳章明表示，涉及年齡歧視等新範疇工作，需要法例賦予權力，但立法權力在於政府。陳稱，平機會「牙力唔夠」，政府有必要檢討法例與平機會的權力。

平機會政策、研究及培訓科總監朱崇文表示，平機會已針對歧視條例檢討向政府提交建議書。朱崇文補充，公眾一般誤解以為新移民身份、性傾向和年齡等歧視是受法律保障，現有的法例只保障殘疾、種族、性別、家庭崗位（家庭責任）的反歧視，強調能否立法最主要責任在於政府。



▲平機會的調查發現，9%受訪者在2014至2015年間曾遭受歧視或騷擾，較12年時的6%增加。左二為陳章明、右二為朱崇文

「硬蛋基金」遴選港兩團隊脫穎而出

【大公報訊】實習記者林東雲報道：以推動創新企業發展為宗旨的「硬蛋IOT基金」昨日舉行首場全球遴選會，來自五個國家或地區的10支創業隊伍參與競選，最終三支隊伍脫穎而出，被選為優異隊伍，其中兩隊來自香港，分別是：Remotec和Air Button，還有一隊是來自意大利的Archon。

遴選會上，每個參賽隊伍進行15分鐘的產品介紹，評委從項目可行性、難度、設計、獨創性及市場前景五個方面進行打分。今次參賽產品涵蓋智能晶片、智能滑板車、智能眼鏡、移動應用程序、無人機等。最終來自意大利的無人機研發商Archon Autonomous Drones摘得桂冠。香港共有五個團隊入圍遴選會

，最終兩個團隊進入前三。亞軍Remotec團隊的作品Smart AirCon綜合了藍牙技術、紅外線碼數據庫、智能恆溫器及智能手

機程式，令消費者可以通過手機或手環來控制家中電器。季軍Air Button Technology團隊作品Air Button設計成波浪型按鈕，用戶將其貼上手機並用專屬Apps設定按鈕功能，例如照相、打電話等，完成設定後可以在任何畫面按按鈕開啓功能，使手機操作變得簡單，也方便在運動中或者水中操作手機。

擔任評審委員之一的香港智慧城市召集人楊全盛透露，聯盟剛與硬蛋簽署合作協議，共同為香港建設智慧城市，他對硬蛋設立IOT基金表示大力支持，因為物聯網的應用對於發展智慧城市尤其重要，聯盟未來更會向政府就建設智慧城市提交建議書，規劃未來10年的智慧城市發展藍圖。



▲「硬蛋IOT基金」首場遴選會的亞軍團隊